

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Broj: T04 0 KT 0062910 25
Zenica, 11.07.2025. godine**

HITNO PRITVOR!

**KANTONALNI SUD U ZENICI
Sudiji za prethodno saslušanje**

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH (ZKP F BiH), podižem

O P T U Ž N I C U

Protiv:

- 1. D. B.,** neosuđivan, nalazi se u pritvoru po Rješenju Kantonalnog suda u Zenici broj: ... od 12.03.2025. godine, koji mu je produžen po Rješenju o produženju pritvora Kantonalnog suda u Zenici broj: ... od 25.04.2025. godine i Rješenju o produženju pritvora Kantonalnog suda u Zenici broj: ... od 09.06.2025. godine kojim Rješenjem je produžen pritvor i traje od 09.06.2025 do 09.08.2025. godine, ne vodi se drugi krivični postupak protiv njega, branitelj po službenoj dužnosti Tarik Lemeš, advokat iz Visokog,
- 2. H. P.** zvanog „B.“ i „N.“, ranije osuđivan presudom Općinskog suda u Visokom broj: ..., pravosnažna dana 14.09.2006. godine zbog krivičnog djela iz člana 231. stav 1. u vezi sa članom 28. KZ F BiH, presudom Općinskog suda u Visokom broj: ..., pravosnažna dana 14.06.2010. godine, zbog krivičnog djela iz člana 239. stav 3. KZ F BiH, presudom Općinskog suda u Kaknju broj: ..., pravosnažna dana 02.02.2011. godine zbog krivičnog djela iz člana 286. s tav 1. KZ F BiH, presudom Općinskog suda u Visokom broj: ..., pravosnažna dana 08.10.2018. godine zbog krivičnog djela iz člana 287. stav 1. tačka a) KZ F BiH, presudom Općinskog suda u Kiseljaku broj: ..., pravosnažna dana 17.10.2018. godine, zbog krivičnog djela iz člana 287. stav 1. tačka a) KZ F BiH, presudom Općinskog suda u Visokom broj: ..., pravosnažna dana 27.05.2019. godine, zbog krivičnog djela iz člana 286. stav 2. u vezi sa stavom 1. KZ F BiH, presudom Općinskog suda u Visokom broj: ..., pravosnažana dana 19.02.2020. godine, zbog krivičnog djela iz člana 373. stav 2. u vezi sa stavom 1. KZ F BiH, presudom Općinskog suda u Visokom broj: ..., pravosnažna dana 09.02.2021. godine, zbog krivičnog djela iz člana 239. stav 3. KZ F BiH, presudom Općinskog suda u Visokom broj: ..., pravosnažna dana 07.05.2021. godine, zbog krivičnog djela iz člana 239. stav 3. KZ F BiH, presudom Kantonalnog suda u Sarajevu broj: ..., pravosnažna dana 19.11.2021. godine, zbog krivičnog djela iz člana 289. stav 2. u vezi sa stavom 1. KZ F BiH, presudom Općinskog suda u Kiseljaku broj: ..., pravosnažna dana 28.04.2023. godne, zbog krivičnog djela iz člana 239. stav 3. KZ F BiH, ne vodi se drugi krivični postupak protiv njega,

da su;

I. D. B., sam

Dana 09.03.2025. godine, u gradu Visoko, u naselju ..., u stanu koji koristi, dok se nalazio u društvu sa P. E. i I. M., oko 02,15 sati, iz sobe za dnevni boravak je zajedno sa P. E. prešao u spavaću sobu kako bi sa istim riješio ranije nesuglasice, dok je M. I. ostao u sobi za dnevni boravak u kojoj je ubrzo i zaspao, da bi potom D. B., u vremenu između 02,15 sati i 09,00 sati, tokom rasprave i svađe sa E., u namjeri da ga usmrti, fizički napao E. tako što je upotrijebio dva noža, i to jedan nož crne boje sa crnom plastičnom drškom dužine sječiva 20,5 cm, širine sječiva/oštrice cca 40 mm i debljine oštrice cca 2 mm i drugi nož crne boje sa crnom plastičnom drškom dužine oštrice cca 19,7 cm, širine sječiva/oštrice cca 27 mm, debljine oštrice cca 2 mm, kojima mu je zadao više uboda i reznih rana u predjelu gornjeg dijela tijela, vrata i glave, zatim metalnim dijelom sjekire, kao i metalnim dijelom čekića, zadao E. više udaraca u predjelu glave, iako je znao i bio svjestan da zadajući ubode noževima, udarce metalnim dijelom sjekire i metalnim dijelom čekića u E. vitalne dijelove tijela istoga može usmrtiti, a što je i htio, na koji način je istom nanio povrede_kvalifikovane kao teške tjelesne povrede koje su mu uzrokovale smrt u vidu višekomadne izlomljenosti koštanog sklopa sljepoočno-tjemeno-čono-orbitalnog dijela glave i lica desno uz deformisanost i utiskivanje desnog oka i koštanih fragmenata tog dijela lobanje prema natrag, unutra i ulijevo u prostor lobanjske šupljine, uz širenje većeg broja sekundarnih pukotinastih preloma u prostor stražnje, srednje i prednje lobanjske jame desno, sa teškim stepenom oštećenja moždanog tkiva desne polutine mozga uz oštećenje tvrde i mekih moždanih ovojnica u tom nivou i krvnu podlivenost tkiva poglavine i desnog sljepoočnog mišića veličine većeg muškog dlana, sa jednom nepravilnom zvjezdasto kraćih i dužih krakova razgranatom nagnječno-razdernom ranom unutar tog deformisanog dijela lobanje, koja zahvata desni sljepoočno-čono predio, predio desne uške, desni jagodični predio lica, predio desne očne duplje-desno oko, gornji i donji kapak desnog oka, veličine muškog dlana i jednu veliku reznju ranu u središnjem dijelu vrata sa gotovo potpunom dekapitacijom glave, u nivou gornje polovine grkljanskih hrskavica koja u cjelosti presjeca sve mišiće vrata cijelim obimom i dubinom, presjeca velike krvne žile i nervne elemente vrata u cjelosti, zatim presjeca vratnu kičmu kroz hrskavični disk između 3 i 4 vratnog kralješka, presjecajući gornju trećinu grkljana, tako da su glava i gornja trećina vrata gotovo u cjelosti odvojeni od donjeg preostalog dijela vrata uz održanje dijelove kože i potkože u središnjem dijelu stražnje strane vrata, kojim je glava sa gornjim dijelom vrata jedino ostala u fizičkom kontaktu sa donjim dijelom vrata, kao i povrede kvalifikovane kao teške tjelesne povrede opasne po život u vidu deset ubodnih rana u koži prednje strane gornjeg dijela lijeve polovice grudnog koša, u nivou dojke i lijevog podključjačnog predjela, predjela prednje strane lijevog ramena, od kojih je devet plitkih promjera 2 x 0.2 cm, dubine do oko 1.5 cm, dok se jedna, najveća od tih, nalazi na oko 6 cm iznad lijeve dojke bradavice, dužine oko 4 cm, vretenasto proširena u sredini za oko 2.6 cm, a koja se svojim ubodnim kanalom nastavlja kroz kožu, potkožu, mišić, zatim kroz međurebarni prostor između I-og i II-og rebra lijevo, ulazeći u prostor lijeve grudne šupljine, praveći ubodno oštećenje poplućnice i tkiva pluća u vrhu sa prednje strane gornjeg režnja lijevog pluća, promjera oko 2.6 cm, koje seže u dubinu tkiva pluća za oko 2 cm uz izliv krvi u lijevu grudnu šupljinu, te teške tjelesne povrede u vidu jedne ubodne rane u koži desne bočne strane vrata, dužine oko 2.4 cm, širine oko 2.3 cm, koja se svojim ubodnim kanalom nastavlja kroz kožu, potkožu, te mišić tog dijela vrata prema unutra i nadole, u dubinu za oko 5.5 cm, koja oštećuje mišić tog dijela vrata, zatim jedne ubodne rane u koži gornjeg dijela prelaza prednje u desnu bočnu stranu vrata, dužine oko 2.5 cm, širine oko 0.3 cm, koja svojim ubodnim kanalom se nastavlja kroz kožu, potkožu tog dijela vrata prema unutra i nadole dubine oko 5.5 cm, oštećujući mišić i krvne žile

srednjeg kalibra, te dvije ubodne rane na lijevoj bočnoj strani vrata, a na oko 5 cm ispod ruba donjeg dijela lijeve uške, dužine oko 2.3 cm , širine oko 0.2 cm, koje svojim ubodnim kanalom prolaze kroz kožu, potkožu, mišiće vrata prema unutra i nadole dubine oko 5 cm, kao i preloma središnjeg dijela tijela donje vilice u nivou prednjih sjekutića, te još veliki broj ubodnih i reznih rana, povreda u vidu krvnog podljeva, oguljotina, nagnječno-razdernih rana koje po svojoj kvalifikaciji imaju karakter lakih tjelesnih povreda, a usljed kojih svih naprijed nanesenih povreda na okrutan način kod P. E. je nastupila smrt, da bi svo vrijeme dok je zadobijao naprijed navedene povrede, a dok se nalazio u stanju održane svijesti P. E. trpio strah, patnju i bolove velikog intenziteta sve do momenta kada gubi svijest, odnosno do momenta kada je kod imenovanog nastupila smrt, da bi nakon toga D. B., u namjeri da sakrije beživotno tijelo P. E., isto stavio u jedan putni kofer crne boje, srednje veličine, prethodno mu prerezavši vrat kako bi beživotno tijelo cijelo moglo stati u kofer, nakon čega je kofer sa isječenim E. beživotnim tijelom premjestio u tuš kabinu kupatila, sa ciljem i namjerom da se kasnije riješi tijela odvoženjem na nepoznatu lokaciju, dok je u drugi kofer ljubičaste boje, također, u namjeri da sakrije dokaze sa lica mjesta i sredstva izvršenja, stavio svoju odjeću, posteljinu, dva crna naprijed opisana noža, sjekiru, čekić sa polomljenom drškom i lične dokumente P. E., koje je imao namjeru, također, uništiti zajedno sa beživotnim tijelom P. E., poslije čega je započeo sa uništavanjem tragova tako što je akrilnim sprejem/lakom i drugim bojama za krečenje premazivao tragove krvi sa zidova, podova i predmeta u stanu, a sve kako bi uništio sve tragove u stanu sa namjerom prikrivanja počinjenog krivičnog djela, u kojem stanu je istog dana i lišen slobode od strane ovlaštenih službenih osoba MUP ZDK,

dakle, usmrtio drugoga na okrutan način

II. H. P., sam

Dana 09.03.2025. godine, oko 09:00 sati, u gradu Visoko, nakon što ga je D. B. pozvao putem telefona i rekao mu da je u velikom problemu, zbog čega je došao do stana kojeg koristi D. B. u naselju ..., da bi ga potom isti uveo u navedeni stan i upoznao ga sa tim da je tokom noći 09.03.2025. godine lišio života P. E., poslije čega mu je pokazao njegovo beživotno tijelo koje je bilo u koferu crne boje, u tuš kabini kupatila, kao i kompletno lice mjesta gdje je počinjeno ubistvo sa postojećim tragovima u stanu, pa nakon što je saznao da je D. B. ubio P. E., kao i to da se u stanu nalazio I. M. kojeg je iz hodnika vidio da spava u dnevnom boravku i koji se u tom momentu probudio, pa iako je znao da je D. počinio teško krivično djelo ubistva jer mu je D. to priznao, napustio stan sa I. M. uputivši se prema centru grada, a da D. kao učinitelja teškog krivičnog djela nije prijavio najbližoj policijskoj stanici, iako je bio svjestan da bi od takve njegove prijave ovisilo blagovremeno otkrivanje učinioca ovog teškog krivičnog djela, a što je i htio,

dakle, nije prijavio teško krivično djelo ubistva i učinitelja od koje prijave ovisi blagovremeno otkrivanje učinitelja ili krivičnog djela,

čime bi:

- **D. B.** opisanim radnjama u tački I optužnice počinio krivično djelo Ubistvo na okrutan način iz člana 166. stav 2. tačka a) Krivičnog zakona Federacije Bosne i Hercegovine,

- **H. P.** opisanom radnjom u tački II optužnice počinio krivično djelo Neprijavljivanje krivičnog djela ili učinitelja iz člana 345. stav 1. Krivičnog zakona Federacije Bosne i Hercegovine,

radi toga stavljam,

**PRIJEDLOG
dokaza koje treba izvesti**

Također, predlažemo sudu da u skladu s odredbama člana 78. KZ F BiH osumnjičenom D. B. izrekne mjeru sigurnosti oduzimanje predmeta – **dva crna noža** na čijim oštricama se nalazi natpis "...“ , i to jedan nož crne boje sa crnom plastičnom drškom dužine sječiva 20,5 cm, širine sječiva/oštrice cca 40 mm i debljine oštrice cca 2 mm i drugi nož crne boje sa crnom plastičnom drškom dužine oštrice cca 19,7 cm, širine sječiva/oštrice cca 27 mm, debljine oštrice cca 2 mm, jednu **sjekiru** sa drvenom drškom i metalnom oštricom i jedan **čekić** sa metalnim dijelom i polomljenom drškom, koji predmeti su upotrijebljeni za učinjenje krivičnog djela, a koji su pohranjeni u depozitu MUP ZDK, Uprava policije Zenica.